

Oktòb 2011

konferans jeneral

Renmen manman li

egzanp

fanmi

patènite

moralite

matènité

paran

prètriz

prensip

vale

Jènfi

konferans jeneral

Renmen manman li

Pa Elaine S. Dalton

Prezidant Jeneral Jènfi

Kòman yon papa kapab elve yon pitit fi erez ak ekilibre nan mond ki plis an plis kowonpi sa a jodia? Pwofèt Senyè yo anseye repons la.

Pa gen mo ki ka dekri okazyon sakre kote yon nouveau papa kenbe yon tibebe fi nan bra li pou lapremè fwa. Ane sa a, twa nan pitit gason nou yo vin nouveau papa ti pitit fi. Mwen te kontanple pitit gason nou, Jon, ki se yon moun solid, ki jwe rugby, ki te kenbe premye ti pitit fi li nan bra li. Li t ap gade l avèk yon tandrès plen reverans epi apre sa li te gade m avèk yon ekspresyon ki sanble di: “Kijan pou m elve yon tifi?”

Maten an, mwen ta renmen pale avèk pitit gason m yo ak tout papa yo. Kijan pou yon papa elve yon pitit fi kontan, ekilibre nan mond k ap vin plis anplis kowonpi a jodia? Pwofèt Senyè a yo te anseye repons lan. Se yon senp repons, e li se verite: “Bagay ki pi enpòtan yon papa ka fè pou pitit fi [li] se renmen manman [li]”¹ Pa fason ou renmen manman li, w ap anseye pitit fi w la tandrès, lwayote, respè, konpasyon, ak devouman. Li pral aprann nan egzanp ou kisa pou l atann nan men jènjan yo ak ki kalite l apral chèche nan yon fiti konjwen. Ou ka montre pitit fi w la, pa fason ou renmen ak onore madanm ou, ke li pa dwe janm kontante li avèk mwens ke sa. Egzanp ou pral anseye pitit fi w la valè feminite. W ap montre li ke li se yon pitit fi Papa nou ki nan Syèl la, ki renmen li.

Renmen manman li si tèlman ke maryaj ou a vin selès. Yon maryaj tanp pou letan ak letènite diy pou pi gwo efò ou ak pi gwo priyorite ou. Sete sèlman apre Nefi te fin bati tanp lan nan dezè a, ke l te deklare: “Epi sete konsa, nou te viv nan bonè.”² “Kalite bonè” sa a nou jwenn ni nan tanp lan. Se nan respekte alyans. Pa kite okenn enfliyans antre nan lavi ou ni nan fwaye ou ki ta ka lakoz ou konpwomèt alyans ou yo oswa angajman ou anvè madanm ou ak fanmi ou.

Nan Jènfi yo, n ap ede pitit fi w la konprann idantite li antanke yon pitit fi Bondye ak enpòtans pou li rete vètye ak diy pou resevwa benediksyon tanp yo ak benediksyon yon maryaj nan tanp. N ap anseye pitit fi w la enpòtans pou fè ak kenbe alyans sakre. N ap anseye li pou pran angajman depi

kounyeya pou viv yon fason pou l ka toujou diy pou antre nan tanp e pa kite okenn bagay retade li, distrè l, oswa diskalifye li parapò ak bi sa a. Egzanp w ap ba li antanke papa li, ap di pi plis pase pawòl empòtan nou yo. Jènfi yo sousye pou papa yo. Anpil di ke pi gwo dezi yo se pou fanmi yo ini etènèlman. Yo vle pou ou la avèk yo lè yo prale nan tanp oubyen lè yo pral marye nan tanp. Rete pwòch pitit fi ou epi ede l prepare ak rete diy pou ale nan tanp. Lè l vin gen douzan, mennen l avèk ou nan tanp souvan pou al fè batèm pou zansèt ou yo ak pou lòt moun. Li va cheri souvni sa yo pou tout tan.

Kilti popilè jodia eseye wonje ak diminye wòl etènèl ou antanke yon patriyach ak yon papa e yo minimize responsabilite ki pi empòtan w yo. Ou te resevwa wòl sa yo “Dapre plan diven an,” epi antanke papa ou “dwe dirije fanmi [ou] avèk lanmou ak jistis epi [ou] responsab pou bay fanmi [ou] tout sa li bezwen nan lavi a ak pwoteksyon.”³

Papa, ou se gadyen fwaye ou, madam ou, ak pitit ou. Jodia, “se pa yon bagay ki fasil pou yon moun pwoteje fanmi li kont enfiltrasyon mal yo k ap antre nan panse ak lespri [yo] ... Enfliyans sa yo kapab e y ap antre fasil fasil nan fwaye a. Satan [tré entelijan]. Li pa bezwen kraze pòt la pou l antre.⁴

Ou dwe gadyen vèti. “Yon detantè Prètriz se moun ki *vètye*. Konpòtman vètye vle di pou [ou gen] panse ki pi ak aksyon ki pwòp. ... Vèti se ... yon atriби diven ... li sinonim ak sentete.”⁵ Valè Jènfi yo se atriби kretyen ki enkli valè ki rele vèti a. Kounyeya, nou mande ou pou w ini avèk nou pou dirije mond lan retounen nan vèti. Pou ou ka fè sa, ou “dwe pratike vèti ak sentete”⁶ nan elimine soti nan lavi ou tout bagay ki mal e ki pa konpatib avèk yon moun ki detni sent Prètriz Bondye a. “Se pou vèti gani panse ou san rete; apre sa konfyans ou ap grandi anpil nan prezans Bondye; epi ... Sentespri a ap konpayon ou tout tan.”⁷ Se poutèt sa, veye sa w ap gade kòm divètisman nan medya yo oubyen nan revi yo. Vèti pèsonèl ou se pral yon modèl pou pitit fi w yo, ak pou pitit gason w yo tou, sou kisa vrè fòs ak kouraj moral ye. Lè w yon gadyen vèti nan pwòp lavi ou, nan fwaye ou, ak nan lavi pitit ou, w ap montre madam ou ak pitit fi w yo kisa vrè lanmou reyèlman ye. Pite pèsonèl ou pral ba ou pouvwa.

Ou se gadyen ptit fi w la nan plis pase sans legal tèm sa a. Se pou ou preznan lavi ptit fi ou. Fè l konnen prensip ou, sa w ap atann nan men li, espwa ou, ak rèv ou genyen pou siksè li ak bonè li. Fè entèvyou avèk li, chèche konnen zanmi li epi, lè lè a rive, chèche konnen mennaj li. Ede l konprann enpòtans etid. Ede l konprann ke prensip pidè a se yon pwoteksyon. Ede l chwazi mizik ak medya ki envite Lespri a epi ki an amoni avèk idantite divini. Jwe yon pa aktif nan lavi li. Epi si, nan laj tinedjè li, li ta rive pa randre lakay li alè, soti nan yon randevou, al chèche li. Li pap dakò e l ap di ou ke w detwi lavi sosyal li, men andedan li, l ap konnen ke ou renmen li e ou sousye ase pou w se gadyen li.

Nou pa gason ki òdinè. Gras ak vanyans nou nan lavi premòtèl la, nou te kalifye pou vin dirijan ak pou posede pouvwa prètriz la. Nan kote sa a ou te montre “gwo Lafwa ak bon zèv” epi ou isit la, kounyeya, pou fè menm bagay la.⁸

Nan kèk semèn twa ptit gason nou yo pral bay ptit fi yo a yon non ak yon benediksyon. Mwen espere sa pral premye nan pamianpil benediksyon prètriz y ap resevwa nan men papa yo, paske nan mond kote yo pral grandi a, yo pral bezwen benediksyon sa yo. Ptit fi w la ap cheri prètriz la e deside nan kè li ke se sa li vle genyen nan fiti fwaye li ak fiti fanmi li. Toujou sonje “ke dwa prètriz yo makònèn seresere avèk pouvwa syèl la” epi ka “kontwole ... sèlman avèk prensip lajistis.”⁹

Papa, ou se ewo ptit fi w la. Papa m sete ewo mwen. Mwen te abitye chita sou mach eskalye lakay nou yo ap tann ni vini chak swa soti nan travay. Li te konn leve m anlè epi vire m tou won epi mete pye mwen anlè gwo soulye l yo, epi apresa li te konn danse avèk mwen antre nan kay la. Mwen te renmen defi pou eseye suiv chak pa l yo. M toujou kontinye fè sa.

Èske ou konnen ke temwayaj ou gen yon enfluiyans puisan sou ptit fi w yo? M te konnen papa m te gen yon temwayaj. Mwen te konnen li te renmen Senyè a. E paske papa m te renmen Senyè a, mwen te renmen l tou. Mwen te konnen li te sousye pou vèv yo paske li te konn pase vakans li ap pentire

lakay yon vèv ki tea bite bò kote nou. Mwen te twouve sete pi gwo vakans fanmi nou te janm pran paske li te anseye m kijan pou m pentire! Ou pral yon benediksyon nan lavi pitit fi ou pou ane k ap vini yo si ou chèche fason pou pase tan avèk li ak pataje temwayaj ou avèk li.

Nan Liv Mòmon an, Abish te konvèti paske papa 1 te pataje avèk li vizyon remakab li a. Pandan plizyè ane apresa, li te kenbe temwayaj la nan kè li epi li te viv dwat nan yon sosyete ki te trè mechan. Epi moman an te rive kote li pa t ka kenbe silans ankò epi li te kouri de kay an kay pou pataje temwayaj li ak mirak li te temwen nan lakou wa a. Fòs konvèsyon ak temwayaj Abish te sèvi enstriman pou chanje yon tout yon sosyete. Moun ki te tandem temwayaj li yo te vin tounen yon pèp “ki te konvèti nan Senyè a, [epi] yo pa t janm kite legliz la,” epi sete pitit gason yo ki te vin gèrye Elaman yo!¹⁰

Jan kantik la di a: “Levez-vous, homes de Dieu! (Leve, O gason Bondye yo)”¹¹ Sa se yon apèl pou nou menm, gason yo ki detni sent Prètriz Bondye yo. Lè y ap pale de nou, se pou yo sa yo te di pou Kapitèn Mowoni an:

“[Li] te yon gwo nonm fò; ... yon nonm ki te gen yon konpreyansyon pafè. ... yon nonm ki te fèm nan lafwa Kris la. ...

“Si tout moun te, e jamè ta tankou Mowoni, gade, menm pouvwa lanfè yo t ap tranble pou tout tan; ... dyab la pa t ap janm gen pouvwa sou kè lèzòm.”¹²

Frè m yo, papa, jènjan, “Se pou lwayal anvè wayal nou gen nan nou an.”¹³

Konsa, kijan pou ou elve yon pitit fi? Renmen manman li. Dirije fanmi ou al nan tanp, rete gadyen vèti, epi mayifye apèl ou nan Prètriz la. Papa, yo konfyé nou pitit fi wayal Papa nou ki nan Syèl la. Yo se moun vètye ak chwazi. Priyè mwen se pou nou kapab veye sou yo, fòtifye yo, ba yo egzanp konpòtman vètye, epi anseye yo pou suiv tras pa Sovè a, paske Li vivan! Nan non Jezikri, amèn.

Nòt

1. Prezidan David O. McKay, souvan site nan deklarasyon Theodore Hesburgh, nan “Quotable Quotes,” *Reader’s Digest*, Jan. 1963, 25; gade *Richard Evans’ Quote Book* (1971), 11 tou.
2. 2 Nephi 5:27.
3. “Fanmi: Yon Pwoklamasyon pou Mond lan,” *Liahona*, Nov. 2010, 129.
4. A. Theodore Tuttle, “The Role of Fathers,” *Ensign*, Jan. 1974, 67.

5. Ezra Taft Benson, “Godly Characteristics of the Master,” *Ensign*, Nov. 1986, 46.
6. Doktrin ak Alyans 46:33.
7. Doktrin ak Alyans 121:45, 46.
8. Alma 13:3; gade vèsè 2 tou.
9. Doktrin ak Alyans 121:36.
10. Alma 23:6; gade tou Alma 19:16–17; 53.
11. “Rise Up, O Men of God,” *Hymns*, no. 323.
12. Alma 48:11, 13, 17.
13. Harold B. Lee, “Be Loyal to the Royal within You,” in *Speeches of the Year: BYU Devotional and Ten-Stake Fireside Addresses 1973* (1973) (1974), 100.